



बुंगय न्हूम्ह कुमारी  
३ पेज

काठमाडौं जि.प्र.का.द.नं.२१२/२०६६/०६७



# ज्वजलपा वाह्यो

JWOJALAPA WEEKLY



स्वस्थानी हु खः  
३ पेज

दैनं ल्याः २२ (पूर्णडक १६९) ने. सं. ११३८ सिल्लाथ्व चौथी आइतवाः २०७४ माघ ७ गते आइतवार (Jan- 21, 2017)

मू द १- पृष्ठ ६

राष्ट्रियसभाया चुनाव, प्रदेश सरकार व संघीय सरकारया नितिं



## मुलुकया राजनीति दल निगू ध्रुव

ज्वजलपा वाःपौ /

प्रतिनिधिसभा व प्रदेशसभाया निर्वाचन क्वचाये धुंकाः राष्ट्रिय पार्टीया रुपय् स्थापित जूगु नेकपा एमाले, माओवादी केन्द्र, नेपाली कांग्रेस, संघीय समाजवादी फोरम नेपाल व राष्ट्रिय जनता पार्टी नेपाल नापं याना न्यागू राजनीतिक दलत निगू ध्रुवय् केन्द्रीत जुया वनीगु अवस्था ब्वलंगु दु ।

चुनाव न्ह्यःया समिकरणसिबें ब्यागलं कथंया समिकरण जुया आः नेपाःया राजनीतिइ न्हूगु हे कथंया कोर्ष सुरु जुइगु अवस्था वःगु दु ।

नेपाली कांग्रेस संघीय समाजवादी फोरम नेपाल व राजपा नेपाललिसे सहलह ब्याका प्रदेश प्रमुखत ल्ययेगु ज्या जुइ धुंकाः आः जुइगु राष्ट्रियसभाया निर्वाचन, प्रदेश सरकार गठनसिबें संघीय सरकार गठनया नितिं तर्क निगू ध्रुवय् ध्रुविकृत जुया वनीगु अवस्था ब्वलंगु दु ।

नेपाःया प्रमुख न्यागू राजनीतिक दलत निगू ध्रुवय् ध्रुविकृत जुया वनाच्वंगु अवस्थाय् थवं थवय् सहलह ब्याकेगु ज्याय् नं तिब्रता जुया वःगु दु । एमालेया अध्यक्ष केपी शर्मा ओली व माओवादी केन्द्रया अध्यक्ष प्रचण्डया दथुइ शनिवाः जक हे प्रदेशया मुख्य मन्त्री, प्रदेश सरकारसिबें राष्ट्रियसभाया निर्वाचनया विषययात कया तर्क सहलह ब्याकेगु ज्या जूगु दु । उखे कांग्रेसलिसे राजपा व संघीय समाजवादी फोरम नेपालया नेतातयगु दथुइ नं राष्ट्रियसभाया निर्वाचनयात कया सहलह ब्याकेगु ज्या जूगु दु ।

आः थुगु न्यागू राजनीतिक पार्टीया दथुइ थवं थवय् सहकार्य याना वनेगु नापं प्रदेशय् नं प्रादेशिक रुपं प्रतिनिधित्व दुगु चिचीधंगु राजनीतिक दलतलिसे नं सहलह ब्याका वनेगु कथंया नं निगुलिं पक्षं लगातार रुपं कुतः यानाच्वंगु दु । अथे हे राष्ट्रियसभाया चुनावय् नं निगुलिं पक्षं चिचीधंगु राजनीतिक दलतलिसे नं सहकार्य याना वनेगु तयारी याःगु दु ।

लिपांगु इलय् वया नेपाली कांग्रेस व राजपा नेपालं माओवादी केन्द्रया अध्यक्ष प्रचण्डलिसे एमाले बाहेकया संघीय सरकार अर्थात केन्द्रया सरकार गठन याना वनेगु प्रस्ताव तर्क तयेगु ज्या जूगु खः । प्रचण्डयात हे प्रधानमन्त्री दयेका वनेगु नितिं थःपिं तयार दु धकाः प्रस्ताव तःगुयात संघीय समाजवादी फोरम नेपालं नं समर्थन याःगु दु । उकिं यदि एमालें प्रचण्डया नेतृत्वया पार्टी माओवादी केन्द्रयात माःगु कथं राष्ट्रियसभाय्, प्रदेशया मुख्य मन्त्री, प्रदेशया नापं संघीय सरकारय् थाय् बिइगु ज्या मयात धाःसा न्हूगु कथंया राजनीतिक ध्रुविकरण नं जुया वनीगु संभावना दु धकाः राजनीतिक विश्लेषकतयसं धायेगु याना हःगु दु ।

विशेष याना प्रतिनिधिसभा व प्रदेशसभाया चुनावं दक्ले तःधंगु दलया रुपय् स्थापित जूगु एमाले व स्वंगू शक्तिया रुपय् स्थापित जूगु माओवादी केन्द्रया दथुइ पार्टी एकता धयाच्वंगु अवस्थाय् पार्टी एकताया नितिं तयार यायेमाःगु बारे नं माःगु कथं सहलह जुयाच्वंगु दु धाःसां नं निगुलिं पार्टीया नेता व कार्यकर्तात धाःसा छगू असन्तुष्ट हे जुयाच्वंगुलिं नं नेतातय् ज्यामछिताच्वंगु अवस्था दु ।

ज्वजलपा वाःपौया सम्पादक

श्रीकृष्ण महर्जन

रामभोला महर्जन

किपुलिं पिदनाच्वंगु नेपालभाषाया छगू जक ज्वजलपा वाःपौया सम्पादकय् पत्रकार श्रीकृष्ण महर्जन नियुक्ति जुयादीगु दु । थुगु वाःपौ पिदंगु इलनिसें हे सम्पादक जुया ज्या याना वयाच्वनादीम्ह श्रीकृष्ण तण्डुकारया लिमलाःगुलिं वय्कलं बियादीगु राजीनामा स्वीकृत याना न्हूम्ह सम्पादकया रुपय् श्रीकृष्ण महर्जनया नियुक्ति यानागु खः धकाः पत्रिकाया प्रकाशक नजरराम महर्जन कनादीगु दु ।

वय्कलं च्यादँ न्ह्यःनिसें निरन्तर रुपं पिदनाच्वंगु थुगु वाःपौया आः तर्क सम्पादक जुया ज्या यानादीगुलिं श्रीकृष्ण तण्डुकारयात सुभाय्विसें ज्वजलपा वाःपौयात अर्भक व्यवस्थित रुपं पिकना वनेगु खँ कनादीगु दु । ज्वजलपा वाःपौया सम्पादक जुयादीम्ह नेवाः पत्रकारतयगु राष्ट्रिय संगठन नेवाः पत्रकार राष्ट्रिय दबूया केन्द्रीय नायः, श्रीकृष्ण महर्जन मेट्रो एफ एम, इण्डिजिन टेलिभिजन, कीर्तिपुर सन्देश साप्ताहिकय् तर्क निरन्तर रुपं क्रियाशिल जुयादीम्ह किपूया



युवा पत्रकार खः । थुगु वाःपौया सल्लाहकारय् प्रा. डा. शिवशरण महर्जन, संस्कृतिविद् प्रयागमान प्रधान सल्लाहकार जुयादीगु दुसा सम्वादाताया रुपय् भरत महर्जन, रामभोला महर्जन व निरजमान सिंह च्वनादीगु दु ।

ज्वजलपा वाःपौयात आः अर्भक व्यापक याना यंकेगु नाप नापं ग्राहक अभियान नं संचालन याना अर्भक व्यवस्थित याना यंकेगु जुइ धकाः नं प्रकाशक नजरराम महर्जनं जानकारी बियादीगु दु । अथे हे नेपालभाषाया पत्रकारिता ख्यालय् ज्वःमदगु भूमिका आः ज्वजलपा वाःपौपाखें म्हितेगु नाप नापं नेवाःतय् राजनीतिक रुपं सचेत याना यंकेगु व नेवाः मुद्दायात ल्हवनेगु छगू धिसिलाःगु थांया रुपय् विकास याना यंकेगु जुइ धकाः सम्पादक श्रीकृष्ण महर्जन कनादीगु दु ।



जिमिगु अभियान

नेवाः भाय् नेवाःतय्गु नुगः खः धइगु भावनायात ज्वना नेपालभाषाया माध्यमं संचार विकास जुल धाःसा धात्थें नेवाः ख्यः न्ह्यःने वनी धइगु तायेका नेवाः भासं पत्रकारिता विकास यायेगु जिमिगु अभियान

दक्छिया स्वसः तका (३००१-) जक ग्राहक जुयादिसँ अभियानय् साथ बियादिसँ



ज्वजलपा वाह्यो

स्वापूः निखासी त्वाः किपू नपा-३  
फोन ल्याः ४३३३००७, ९८४१४०१०७७



# ज्वजलपा वाऱ्पौ

सल्लहकार

**प्रा. डा. शिवशरण महर्जन, प्रयागमान प्रधान**

प्रकाशक:

**नजरराम महर्जन**

सम्पादक

**श्रीकृष्ण महर्जन**

ले-आउट:

**ज्वजलपा डेस्कटप**

संवाददाता: **भरत महर्जन, रामभोला महर्जन, निरजमान सिंह**

थाकू: **प्रिन्ट स्काई, यें**

ज्याकू: **निखासी त्वा: किपू नपा-३**

फोनल्या: **४३३३००७, ९८४१४०१०७७**

ई-मेल : **jwojalapaweekly@gmail.com**

## सम्पादकिय

# प्रदेशया मुकाम व राजनीति

संघीयताया अभ्यास यानाच्वंगु मुलुकय् प्रदेशया मुकाम धकाः प्रदेशया अघोषित रुपं राजधानी ह्यु थासय् तयेगु धइगु बारे राजनीतिक दलतयगु थःथःगु अडान जूगुया कारण हे थौं थाय् थासय् आन्दोलन जुयाच्वंगु दु । राजनीतिक दलया नेता कार्यकर्तात जक मखु स्वम प्रदेशसभाया सांसदत तकं अज्वःगु आन्दोलनया नेतृत्व याना वयाच्वंगु धइगु हे राजनीतिक दलया हे नेतातय्सं आन्दोलनयात चर्केयाना च्वंगु खः धकाः धायेछिं ।

थौं नेपाली काग्रेसया नेतृत्वय् दुगु सरकारं प्रदेशया मुकाम घोषणा याःगु अवस्थाय् मेमेगु राजनीतिक दलया नेतातय्सं आन्दोलनया नेतृत्व यानाच्वंगु दुसा कन्हय् वना एमालेया नेतृत्वया सरकारं प्रदेशया राजधानी हिलेगु ज्या यात धाःसा कांग्रेस लगायतया नेतातय्सं मेगु कथंया आन्दोलन याइगु अवस्था वइ । प्रदेशया राजधानीया बारे गुगु कथं विवाद जुयाच्वंगु दु अले थाय् थासय् आन्दोलन जुयाच्वंगु दु उकियात अभ अच्वः चर्के यायेगु ज्या राजनीतिक दलतय्सं मयात धाःसा बांलाइ । मखुसा कन्हय् वना एमाले प्रदेशया राजधानी हिइकेगु ज्या यात धाःसा आः गज्वःगु अवस्था दु अभ तच्वःगु अवस्था ब्वलनेफु धकाः थुइकेमाः ।

थ्व इलय् प्रदेशया राजधानीया विषययात कया राजनीतिक दलतय्सं आन्दोलन चर्केयायेगु ज्या मयासे वस्तुगत अवस्थयात ध्यानय् तया माल धाःसा राजनीतिक सहमति कथं हे हिलेगु ज्या यायेमाः । मखुसा कन्हय् संघीयताया विरोध याइपिनिगु नितिं म्हितेगु खेल हे प्रदेशया राजधानीया माग याना आन्दोलन यायेगु जुइफु धकाः प्रमुख राजनीतिक दलया शीर्ष नेतातय्संनिसे प्रदेशसभा व प्रतिनिधिसभाया सांसदतय्सं थुइकेमाः ।

## गजल शौरभ शाक्यया

**गजल-५८**

निभा: छ, ख्यूंथायस नं वा

छक छ, जिथायस नं वा ।

तिरिक्क छसः, सःमदु गनं

हिउपा छ, हथायस नं वा ।

मदु सुं सु, तिबः चिमिया

वःजुया छ, माथायस नं वा ।

तसकं गालय्, स्वतूत देश

छ, गाः ल्हाथायस नं वा ।

ज्वगु दु देश, प्वागं थासं

थाक्वःछ, ज्वथायस नं वा ।



## आदिवासी जनजातिया सवालय् ....

**बंगु वाःथा ल्यं:** थुकें छु खने दु धायेवलय् संविधानय् सकारात्मक विभेद, आरक्षण थेंजाःगु ऐतिहासिक विभेद, संरचनागत बहिस्करणय् लाकातःगु दु । विभेद विरुद्ध हःगु मानव अधिकारया कानूनत नं विभेदय् लाना समुदायतय् सक्षम समुदाय बराबर दयेकेत आरक्षण, कोटा थें जाःगु उपाय नालेगु राज्यया दायित्व दुने लाःगु खः । राजनीतिक, आर्थिक, सामाजिक, शैक्षिक लगायत राज्यया हरेक ख्यलय् खस आर्ययात छु सिद्धान्तया आधारय् आरक्षणया हकदार यात थुइकेफुगु अवस्था मदु । छु राज्यया भाषिक दमनय् लाःगु खः ला ? छु धार्मिक विभेदय् लाःगु खःला ? छु इमिगु पुख्यौली जमिन भूमिसुधारया नामय् लाकाकाःगु खः ला ? छु मधेसय् थें हे अनागरिक दयेकेत्यंगु खः ला ? छु इमित पहिचानया आधारय् विभेद याःगु खः ला ? यक्व हे थज्वःगु न्ह्यसःत ब्वलनी । अयूनं खस आर्य समुदाय आर्थिक रुपं गरिव जूसा इमिगु उत्थान आर्थिक विकासया ज्याभवःपाखें यायेफु । अथे यायेगु जरूरी नं जुइ कि न्यायया दृष्टिकोणं उकिइ विवाद नं जुइमखु । थुगु संविधान जारी लिपा आदिवासी जनजाति, मिसा, दलित, मधेशी लगायतयात निजामति लगायतया ख्यलय् याःगु आरक्षण चीकेमाः धकाः सः तयेगु ज्या लोकसेवा आयोगया जिम्मेवार पदाधिकारीतय्सं इलय् ब्यलय् ल्दवनाच्वंगु दु । बहिष्करणय् लानाच्वंगु समुदायया मनुतय्स लोकसेवाया परीक्षाय् आरक्षणया कारणं म्हो जक जूसां नं दुहां वने खनाच्वंगु अवस्थाय् आः उगु लुखा तकं बन्द यायेगु खेल सुरु जूगु खनेदु ।

**छु संविधानं फुक्क समुदाययात समान हैसियत व अधिकार बिउगु दु ला ?**

वर्तमान संविधानया धारा ४ सं यानातःगु धर्मनिरपेक्षताया परिभाषां नेपाःयात हिन्दू राष्ट्र दयेका बिउगु दु । धारा ७ सं देवनागरिक लिपिइ च्वइगु नेपाली भाषा ( खस भाय् जक सरकारी कामकाजया भाषा जुइगु व्यवस्था याःगु दु । उपधार २ सं प्रदेशया बहुसंख्यक ल्हाइगु नेपाली भाषाया अतिरिक्त मेगु भाययात प्रदेशया सरकारी कामकाजया भाषा निर्धारण यायेफइगु व्यवस्था याःगु दु । धारा २८७ सं भाषा आयोग दर्छ्छया दुने दयेका प्रदेशय् सरकारी कामकाजया भाषा निर्धारण यायेत सुभ्भाव बिइगु व उकिया अन्तिम निर्णय संघीय सरकार याइगु मातृभाषाया मान्यतायात भन जटिल याना बिउगु दु । नेपाःया आयोगतय्गु सुभ्भाव कार्यान्वयन जुइमखु धइगु खँ न्हापानिसें अनुभव याये धुंकूगु हे खँ खः । थुगुकथं मातृभाषायात विभेद याःगु जक मखु सूचना, पहुँच, सेवासुविधा प्राप्तपाखें बञ्चित याना भाषिक संहार याःगु दु । धारा ३१ (१) सं कानून बमोजिम माभाषं शिक्षा काये दइगु, स्कूल चायेकेगु व संचालन यायेगु हक दइ धकाः च्वयातःगु दु । तर सरकारं धाःसा छुं नं व्यवस्था व सरकारया ग्वाहालि यायेगु दायित्व हे मदु । अन्तरिम संविधानं मातृभाषायात सरकारी निकाय व स्थानीय निकायया कामकाजय् प्रयोग छयलेगुलिइ पंगः मखु । अन्तरिम संविधानं तःताजि भाषायात सरकारी निकायया रुपय् मान्यता

वियातःगु दु । वर्तमान संविधानं हिन्दुतयेगु पहिचानयात राष्ट्रिय पहिचानया संवैधानिक मान्यता बिया हिन्दू नश्लीयया सर्वोच्चता कायम याःगु दु । गथे कि धारा ८ सं चन्द्रवंशी व सूर्यवंशीया राज्यया आभाष जुइगु कथंया धर्वाय्, धारा ९ सं राष्ट्रिय जनावार सा, निशाना छापय् संस्कृत खंग्व, रंग सिम्रिक कायम याःगु दु । वि.सं.१९१९ या जंगवहादुरं हःगु हिन्दू वर्णाश्रमया आधार य् जातभात कानून “मुलुकी ऐन” सं तागाधारी (खसबाहुन) उच्च जाति, मतवाली (आदिवासी जनजाति)यात दास दयेके फइगु व मफइगु । दास दयेके मजिउपिन्त निगूगु दर्जाया नागरिक दयेकूगु खः । अथे हे उगु ऐनय् दलितयात थीमत्यःगु समुदाय याःगु थें हे थुगु संविधानं खसआर्यया परिभाषा संविधानया प्रावधानय् हे तया सर्वोच्च संवैधानिक जाति याःगु दु । जनजातिया परि भाषा संविधानय् मयासे ऐन (आदिवासी जनजाति उत्थान राष्ट्रिय प्रतिष्ठान ऐन २०५८) सं जक याःगु दु । ऐनया हैसियत संविधानसिवें क्वय् जुइगु जुया आदिवासी स्वतः आस आर्यसिवें क्वय् दलितया परि भाषा नीतिइ याःगुलिं नीति संविधान व ऐन सिवें क्वय् जुइगु जुया दलितयात दक्ले क्वय्यागु दर्जा बिउगु खने दु । संविधानया धारा ५१ जं (८) सं आदिवासी जनजातितय्सं पहिचान सहित सम्मानपूर्वक म्वायेगु अधिकार । अवसर तथा लाभ, निर्णयसं सहभागी जुइगु अधिकारयात निर्देशक सिद्धान्तय् तया अर्थहीन याना बिउगु दु । थ्व अधिकारया हनन जुल धाःसा अदालतय् न्ह्यसः तये मदइगु (धारा ५५) व्यवस्था याना पहिचान, प्रतिष्ठा (Dignity) व राजनीतिक अधिकारथें संवेदनशील मौलिक अधिकारयात कृष्ठीत याःगु दु व आदिवासी जनजातियात निगूगु दर्जाया नागरिक दयेकूगु दु ।

**छु थ्व संविधानं संघीयतायात सम्बोधन याःगु दु ला ?**

संघीयतापिने उल्लेख यानातःगु दु तर दुने फुसुलुं । संघीयता धइगु थःम्हं ल्ययागु आधारय् स्वायत्तता व साभेदारी शासन खः, गन संघ व प्रदेशया शक्ति व अधिकार यात संवैधानिक कथं इनातःगु दइ । संघं स्वायत्त प्रदेशया सहमतिइ मकासे यकःति कथं संविधान संशोधन याये दइमखु । संविधानया धार ५६ सं संघ, प्रदेश व स्थानीय तह याना स्वंगू तहया मूल संरचना स्वयेवलय् संघीयतायात सम्बोधन यायेत्यंगु थें खने दु तर वास्तविकता धाःसा पहिचान सहितया संघीयता मजुसे केन्द्रीकृत प्रशासनिक संघीयता जक जूगु दु । न्हापांगु संविधानसभां स्वीकार याःगु संघीयताया आधार खास याना पहिचान (जातीय/समुदायगत, भाषिक, सांस्कृतिक, ऐतिहासिक निरन्तरता व भौगोलिक/क्षेत्रगत निरन्तरता) यात प्राथमिक व सामर्थ्य (आन्तरिक अन्तरसम्बन्ध व सामर्थ्य, पूर्वाधार विकासया अवस्था व सम्भावना, प्राकृतिक साधन व स्रोतया उपलब्धता व प्रशासनिक सुगमता)यात सहायक आधारया रुपय् कया पहिचानय् आधारित प्रदेश, स्वायत्त क्षेत्र, विशेष व संरक्षीत क्षेत्रयात जानीजानी बदनीयतपूर्वक सम्बोधन याःगु मदु । संविधानं संघीयतायात सम्बोधन याःगु

मदु । संघियतायात कमजोर यायेगु नितिं थुगु कथंया धारात तयातःगु दु । गथे कि धारा २७६ सं संघतपाखें सन्धि वा सम्झौता यायेगु अधिकारपाखें बञ्चित याना अन्तर्राष्ट्रिय हैसियत शुन्य दयेका बिउगु दु । धारा १२७ सं न्यायिक अधिकारपाखें बञ्चित याना एकात्मक न्यायपालिकायात मान्यता बिउगु । धारा २०३ सं आर्थिक प्रतिबन्ध लगेयाःगु । थ्व धारां प्रदेशयात कर उठेयायेगु, ऋण कायेगु व जमानत बिइगुलिं पंगः थंगु दु, केन्द्र हे याइगु जूगु दु । धारा १७६ (६) सं व्यवस्थापिकीय अधिकारपाखें तकं बन्देज लगेयाःगु दु संघया कानून बमोजिम जुइ धकाः थःगु निति कानुन दयेकेगु ज्याय् नं बन्देज याःगु दु । संविधानया अनुसूचि ४,५, ६,७,८ व ९सं संघीयतायात संघीय अधिकारपाखें बञ्चित याःगु दु ।

**आदिवासीतय्गु संवैधानिक आयोग गथे खः ?**

आदिवासी जनजाति, थारु, मधेशी, मुस्लिम आयोगत संविधानय् उल्लेख यानातःसां थुगु आयोगत संवैधानिक (स्वतन्त्र) सरकारीया नियन्त्रणय् दइगु कथंया आयोग जक खः । मानव अधिकार आयोगं थें थुगु आयोग सरकार विरुद्ध छुं नं ज्या यायेफइ मखु । मेखे आयोगया ज्या, कर्तव्य, अधिकार छु खः ? उल्लेख यानातःगु मदु । थुगु कथंया आयोगत भिदैय् पुनरावलोकन यायेगु उल्लेख यानातःगु दु । तर गठन गवले जुइ धकाः प्रष्ट यानातःगु मदु । अन्तरिम संविधानय् नं थज्वःगु आयोगत दुगु खः । गुदै तकया दुने नं उगु आयोगत गठन मयात । उकिया अर्थ थ्व आयोगत नं दयेकूगु हे मयायेफु । संवैधानिक आयोगत थें हें मानव अधिकार आयोग, महिला आयोग, निर्वाचन आयोग आदिया ज्या, कर्तव्य अधिकार प्रष्ट दु । इमिगु सिफारिस राज्य मानेयायेमाःगु अवस्था दु । आदिवासी जनजाति, थारु, मधेशी, मुस्लीम आयोगत भंगः लायेगु नितिं जक दयेकूगु खने दु ।

**छु थ्व संविधानं यक्व मौलिक हक सुनिश्चित याःगु दु ला ?**

संविधानय् यक्व हे मौलिक हक प्रत्याभूति याःगु दु धकाः प्रचार प्रसार याःगु दु । ४७ गू मौलिक हकत मध्ये ४४ गू हक कानुन कथं जुइ धकाः च्वयातःगु दु । कानून कथं जुइगु हक मौलिक हक जुइमखु । थ्व उधारो हक खः गुगु उपयोग याये खनी कि मखनी धइगु दुने यायेफइगु अवस्था मदु । संविधानया धारा ४७ सं स्वदैया दुने माःगु कथंया मौलिक हकत कार्यान्वयनया नितिं कानून दयेकेगु खँ न्ह्यथनातःगु दु । उकिया अर्थ स्वदै तक वा कानुन दयेकेगु ज्या मजूनले न्ह्याथेयाना नं मौलिक अधिकार हनन यायेत छुटु बियातःगु दु । विगतयात स्वल धाःसा आदिवासी जनजाति, मधेशी, मुस्लिमया गुलिखे मौलिक हकयात थुगु संविधानय् प्रत्यक्ष वा अप्रत्यक्षरुपं बन्देज बन्देज याःगु दु । गथे कि स्वतन्त्रताया हक दुने तयातःगु स्वतन्त्ररुपं न्वंवायेगु व बिचाः अभिव्यक्ति याये दइगु, राजनीतिक पार्टी व संघ संस्था चायेके दइगु, भेला जुइगु व उखेथुखे बने दइगु हकयात जातीय वा साम्प्रदायिक सदभाव कायम यायेगु इत्यादी नामय् राज्य लाका कायेफइगु अवस्था दु । अन्तराष्ट्रिय संघसंस्थालिसे स्वापू तल धाःसा राज्य विरुद्ध जासूसी याःगु अभियोगय् कारवाही यायेफइगु अवस्था दु । (क्वचाल)



## नेवाः बुखँ

ज्वजलपा वाःपौ /

किपुलिङ नं पूर्व दक्षिणपाखेया ऐतिहासिक नापं सांस्कृतिक रुपं महत्वपूर्णगु नेवाः वस्ती वुंगय शनिवाः न्हूम्ह कुमारी कथं क्रिपा बज्राचार्ययात ल्ययेगु ज्या जूगु दु। थनि निदै न्हयः जक कुमारी जुयादीम्ह किन्जल बज्राचार्यया थनि बाःछि न्हयः वा हाःगुलिं न्हूम्ह कुमारी ल्ययेमाःगु अवस्था वःगु खः।

न्हय्दै फुना च्यादैय् क्यनाच्वंम्ह किन्जल बज्राचार्यया वा हायेवं हे कुमारीया आगमय् वना कुमारी त्वःतेगु ज्या तक जूगु खः। अबलेनिसें आसन यात जक कुमारी कथं पुजा याना वयाच्वंगु खःसा विधि पूर्वक कथं न्हूम्ह कुमारी ल्ययेगु ज्या जक शनिवाः क्वचाःगु खः। वुंगय कुमारी न्ह्याकेगु नितिं बज्राचार्यतयगु छगू गुथि दु। उगु गुथिया म्हाय् मस्त जक कुमारी जुइमाःगु चलन दु। मानरत्न बज्राचार्य

## वुंगय् न्हूम्ह कुमारी ल्यल



व दिलमाया बज्राचार्यया म्हाय् हे थुगुसी नं कुमारी जुयादीगु दु। न्हापाया म्हाय् नं वय्कःपिनि तःधिकःम्ह म्हाय्

खःसा थुगुसी कुमारी जुयादीम्ह क्रिपा बज्राचार्य वय्कःपिनि चीधिकःम्ह म्हाय् खः।

न्हूम्ह कुमारी क्रिपा बज्राचार्य वुंगया त्रिरत्न सहकारी स्कूलय् प्ले गृपय् ब्वनाच्वंम्ह खः। नेवाः समाजय् कुमारीयात विशेष महत्व बियातःगु दु। येंया कुमारीयात ला राज्य हे मान्यता बियातःगु दुसा थाय् थासय् कुमारी दु। अथे हे ख्वपय् कुमारी, यलय् कुमारी, तोखा कुमारीनिसें वुंग कुमारी तक दु।

नेवाः समाज बाहेक मेमेगु समाजय् मदुगु संस्कृति धैगु कुमारी संस्कृति खः। मनूयात हे छः भाःपिया हनीगु संस्कृतिया छगू उदाहरण कथं कुमारी संस्कृति खः।



येंया ताना बहालय् च्वंगु मूर्ति



बाखं सफुतिइ स्वस्थानी



सक्वय् दयेकूगु स्वस्थानीया मूर्ति

ज्वजलपा वाःपौ /

दैय् दसं पोहलाख पुन्हि अर्थात मिला पुन्हिनिसें सिल्लाख पुन्हि अर्थात सिपुन्हि तक लच्छियकं नेवाःत जक

## स्वस्थानी छु खः ?

मखु नेवाः मखुपिन्सं तकं स्वास्थानीयात लुमंकेगु याइ। स्वस्थानीयात स्वस्थानीमात अले स्वस्थानी भगवान नापं स्थानीय छः धकाः धायेगु याना वयाच्वंगु दु। सक्वया स्थानीय नेवाःतय्सं ला स्वस्थानी धाइम्ह हे वज्रयोगिनी छः खः धकाः नाला वयाच्वंगु दु। अभ्र गुलिं गुलिसिनं ला स्वस्थानी धाइम्ह महाद्यःया कला पार्वती धकाः धायेगु याना वयाच्वंगु दु। स्वस्थानीया सफुतिइ स्वल धाःसा महाद्यः व पार्वतीया क्रिपाः तयातःगु दुगुलिं पार्वती धाइम्ह हे स्वास्थानी धकाः थुइकेगु स्वाभाविक हे खः। गुलिं गुलिं सफुतिइ धाःसा ओम खँवःयात हे स्वस्थानी धकाः थुइकेगु कथंया क्रिपाः तयातःगु मदुगु मखु। अयनं सामान्य तया स्वस्थानी धाये धुनेवं महाद्यःया कलाया रुपय् नाला वयाच्वंगु दु। अथे महाद्यःया कला पार्वती हे स्वस्थानी धकाः थुइकूगुया मेगु मूल कार ण धइगु स्वस्थानी बाखनय् महाद्यः व पार्वतीया घटनाक्रमत यक्व उल्लेख यानातःगु दुगुलिं नं खः।

स्वस्थानी छःया मूर्तियात मातुमाल वनेगु भवलय् आः निगू कथंया मूर्तियात स्वस्थानीया मूर्ति धकाः हे पुजा आज्ञा याना वयाच्वंगु खने दु। मल्लकालय् पलिस्था यानातःगु छगू मूर्ति अले थनि निगू दशक न्हयः सक्वय् पलिस्था याःगु

दु न्हूगु कथंया स्वस्थानीया मूर्ति। थ्व निगू कथंया स्वस्थानीया मूर्ति खनेदुसा थ्व निगू तसकं ब्यागलं ब्यागलं कथंया मूर्ति खः।

येंया मखंया ताना बहाः आर्थात नारणी बहालय् मल्लकालय् पलिस्था यानातःगु स्वस्थानीय मूर्ति स्वयेवलय् महाद्यः व पार्वतीया मूर्ति थें च्वं। ल्वहंयागु थुगु मूर्तिइ महाद्यःया बाहां दं नं दु अले पार्वतीया बहां सिंह नं दु। चीधंगु थुगु मूर्ति येंया मल्ल जुजु प्रताप मल्लया इलय् पलिस्था याःगु खः धाइ। नेपाल संवत् ७७४ पाखे पलिस्था याःगु थुगु मूर्तियात आः तक लुयावःगु दक्ले पुलांगु स्वस्थानीया मूर्तिया रुपय् नालातःगु दु।

अथे हे सक्वय् च्याकुलाःगु देगःया दुने पश्चिमाखे स्वका पलिस्था यानातःगु स्वस्थानीया मूर्ति धइगु ल्वहंयागु मूर्ति खः। सक्वय् ल्हातं च्यातःगु स्वस्थानीया बाखं सफुतिइ उल्लेख जुयाच्वंगु कथं च्याम्ह अष्टमातृकाया दथुइ स्वंगः मिखा दुम्ह, प्यपा ल्हाः दुम्ह अले छपा ल्हातं खड्ग, मेगु ल्हातं च्वामो, मेगु ल्हातं वरमाल ज्वनाच्वंम्ह नापं छपा ल्हातं आशिवाद बियाच्वंम्ह मुलुकछुयाना फयेतुनाच्वंम्ह मूर्ति खः। थुगु मूर्ति सक्वया नादि खुसि अर्थात साली नदिया लिक्क पलिस्था यानातःगु दु।

## किपूया बुखँ

## मिसा सः सांगितिक ज्याभ्वः



ज्वजलपा वाःपौ /

इन्द्रेणी सांस्कृतिक समाज किपूया ग्वसालय वंगु माघ ५ गते शुक्रवाः मिसा सः सांगितिक ज्याभ्वः ने.सं.११३८ होटेल हिलसाइडया सभाहलय् भःभः धायेक क्वचाःगु दु। २०४४ सालनिसें इन्द्रेणी सांस्कृतिक समाजया माध्यमं समाजय् ह्यूपा हयगु प्रगतिशिल म्ये, प्याखं, हुलाप्याखं ज्याभ्वः न्ह्याकाः वयाच्वंगु खः। सामान्य सय्का चर्चापि म्ये हालामिपिन्त हौसला बिया ताय् तिति याका सःथें स्यूथें सय्केविया सांगितिक ज्याखँय् निरन्तरता बिया वयाच्वंगु दु।

थःगु मांभाय् नेपालभाषा ल्हायगु व ल्हाकेगु अले भाषा प्रचार यायेगु तातुना किपूया मिसापि कलाकारपिन्त हःपाः बिइगु निति “मिसाः सः” ज्याभ्वः यानागु इसासया नायो विरप्रसाद भंसारीं धयादिल। सुनिता डंगोल न्ह्याइपुक न्ह्याकूगु उगु ज्याभ्वलय् पुलापिनिसें न्हूम्ह मचाम्हा कलाकारनापं यानां स्वंगु पुस्ताया सहभागिता दुगु खः। दक्ले न्हापां रामकृष्ण दुवालया म्येय् मिना महर्जन, रानीशोभा महर्जन, प्रमिला महर्जन व स्वस्ति महर्जनं समुह गान याःगु खः। अनं लिपा छसिकथं वीर माया महर्जन, रानीशोभा महर्जन, प्रमिला महर्जन, रफेला महर्जन, स्वस्ति महर्जन, रिता महर्जन, रत्नशोभा महर्जन, दीपा महर्जन, मिना महर्जनं निपू निपू म्यो हालादीगु खः। भिदै दुम्ह रफेला महर्जनं छपू जक म्ये हाःगु खः।



किपू नगरपालिका, सहिद स्मारक कलेज व ओनस नेपालया मंकाः ग्वसालय माघ ६ गते शनिवाः २० क्वःगु राष्ट्रिय भूकम्प सुरक्षा दिवसया लसताय् मंकाः हिदान ज्याभ्वः जूगु दु। सहिद स्मारक कलेज, न्हूबजाः लागाय् जूगु उगु ज्याभ्वलय् मुक्कं याना न्यय् प्यम्हेसिनं हिदान यानादीगु खः।

## चववाहाः लागाय् मञ्जुश्री रत्नन्यास जुइगु

ज्वजलपा वाःपौ /

जलविनायक सामुदायिक वन उपभोक्ता समूहया ग्वसालय निर्माणाधीन मञ्जुश्री भवाता (प्रतिमा)या रत्नन्यास ज्याभ्वः जुइगु जूगु दु। माघ ८ गते सोमवाः उक्थं चववाहाः लागाय् मञ्जुश्री रत्नन्यास जुइगु जानकारी ग्वसाः खलकं ब्यूगु दु। स्वनिगःया उत्पत्तिया इतिहास व चोवाहाःलिसे मञ्जुश्रीया स्वापू व महिमायात प्रचार प्रसार यायेगु नापं पर्यटकया ल्याखं आकर्षणया केन्द्र यायेगु आजुं ३३ फिट तःधिकःम्ह ल्वहंया मञ्जुश्री भवाता निर्माण ज्या जुयाच्वंगु दु। मञ्जुश्री पार्कय् मञ्जुश्रीया भवाता फिटिङ व लिपांगु छःकीगु ज्यायात तीव्रता बिइत रत्नन्यास पूजा ज्याभ्वः याइगु जानकारी ग्वसाः खलः जनविनायक सामुदायिक वन



उपभोक्ता समूहपाखें ब्यूगु दु। रत्नन्यास पूजा माघ ८ गते सुथय् ८ ता इलय् निसें न्ह्याइसा न्हिनय् १ ता इलय् औपचारिक ज्याभ्वः जुइगु जानकारी नं ग्वसाः खलकं ब्यूगु दु।

ज्वजलपा वाःपतिइ पिकायेगु नितिंछुं नं कथंया समाचार, च्वसू नापं चिनाखँ दुसा बियादिसँ।

स्वापूः निखासी त्वाः किपू नपा-३  
फोन ल्याः ४३३३००७, ९८४१४०१०७७



# छम्ह मनुखं सच्छि व खुम्हेसित मुद्दा तयाहल

ज्वजलपा वा:पौ/

कीर्तिपुर नगरपालिका साविक वडा नं.११ धुसिठोल निवासी स्व. भिमदास कसाईया छय ज्ञामनवहादुर कसाईया काय श्रीकृष्ण कसाई व वया मां मोतिमायाया वारिस श्रीकृष्ण कसाईया कला दुर्गा कसाई नं कीर्तिपुर नगरपालिका साविक वडा नं.११ कि.नं.९५ क्षेत्रफल १०-३-० धुसिठोल लगायतया छै जग्गा थ:गु धका: दावी याना काठमाडौं जिल्ला अदालतय् त:गु फिराद पत्र क्वयुच्चीपिं अफिसत च्यागु व १०६म्ह मनुतय्त त:गु दु । फिराद पत्र थये दु ( गथे ख: अथे हे खय् भासं न्हयव्याचना । सं. )

विरुद्ध

१. १ नं. नापी टोली, २. कीर्तिपुर नगरपालिका, ३. कीर्तिपुर नगर पालिका कार्यालय वडा नं. ११, ४.नापी कार्यालय कलंकी, ५. मालपोत कार्यालय कलंकी, ६ नापी विभाग मिनभवन, ७. भूमिसुधार तथा व्यवस्था मन्त्रालय सिंहदरवार, ८. मालपोत विभाग बबरमहल

९. कित्ता नं ५-राम महर्जनको नाती रामकृष्ण महर्जनको छोरा अनिल महर्जन, १०. कि. नं. ६-हर्ष महर्जनको नाति राम महर्जनको छोरा श्रीकृष्ण महर्जन, ११. कि. न. ८-हर्ष महर्जनको नाति राम महर्जनको छोरा राधाकृष्ण महर्जन, १२. कि. नं. ७- रत्नवहादुर महर्जनको नाति बुद्धिवहादुर महर्जनको छोरा बैकुण्ठ महर्जन १३. कित्ता नं. ९-रत्नवहादुर महर्जनको बुहारी लोकवहादुर महर्जनकी पत्नी गणेशमाया महर्जन, १४. कित्ता नं. १०-राम महर्जनको बुहारी रामकृष्ण महर्जनकी श्रीमती मानकुमारी महर्जन १५. कित्ता नं. ११-रत्नवहादुर महर्जनको नाती बेखा नारायण महर्जनको छोरा विष्णु वहादुर महर्जन, १६. कित्ता नं. १२-रत्नवहादुर महर्जनको नाति बेखा नारायण महर्जनको छोरा दिलिप कुमार महर्जन, १७. कित्ता नं १४- जितवहादुरको नाति भक्तवहादुर शाहीको छोरा प्रकाश शाही, १८. कित्ता नं. १५-जितवहादुरको नाति इन्द्रवहादुर शाहीको छोरा विजय शाही, १९. कित्ता नं. १६-जितवहादुर खड्गीको छोरी नाती खड्गीको पत्नी मोहनमाया खड्गी, २०. कित्ता नं. १७-भुन्दे खड्गीको नाति तेजवहादुर खड्गीको छोरा राजेन्द्र खड्गी, २१. कित्ता नं. १८-भुन्दे खड्गीको नाति तेजवहादुर खड्गीको छोरा राजु खड्गी, २२. कित्ता नं. १९- राजवीर खड्गीको नाति स्व. कान्छाभाई खड्गीको छोरा माईला खड्गी, २३. कित्ता नं. १९- राजवीर खड्गीको नाति स्व. कान्छाभाई खड्गीको छोरा सुरेश शाही खड्गी, २४. कित्ता नं. १९- रामवहादुर खड्गीको छोरी सुनिता खड्गी, २५. कित्ता नं. २०- तेजवहादुर शाहीको नाती शिव शंकर शाहीको छोरा सुजित शाही, २६. कित्ता नं. २१, ३६- मोहनलालको नाति जगतवहादुरको छोरा राजिक कुमार शाही, २७. कित्ता नं. २२-भक्तवहादुर खड्गी र चम्पा खड्गीको छोरी अकिन माया खड्गी, २८. कित्ता नं. २३- हरिगोविन्द महर्जनको नाति हरिकृष्ण महर्जनको छोरा हरिभक्त महर्जन, २९. कित्ता नं. ४२-इन्द्रवहादुरको नाति प्रेमलालको छोरा पदम महर्जन, ३०. कित्ता नं. २५-मानवहादुरको छोरा पूर्णकाजी महर्जन, ३१. कित्ता नं. २६- पुनविरको नाति जगन्नाथको छोरा नजर राम महर्जन, ३२. कित्ता नं. २७-कुलवहादुरको नाति कृष्णवहादुरको छोरा कृष्णभक्त महर्जन, ३३. कित्ता नं. २८- कुलवहादुर को नाती रत्नवहादुरको छोरा सिताराम महर्जन ३४. कित्ता नं. २९- कुलवहादुरको नाती रत्नवहादुरको छोरा राधेश्याम महर्जन ३५. कित्ता नं. ३०, ३१-पुनविरको नाति शेरवहादुर ज्यापुको छोरा श्रीकृष्ण ज्यापु ३६. कित्ता नं. ३२-बुद्धिवहादुरको बुहारी ध्रुव महर्जनको पत्नी राधा महर्जन, ३७. कित्ता नं. ३३-मानसिंहको नाति नन्दवहादुरको छोरा सानु महर्जन, ३८. कित्ता नं. ४३-बुद्धि खड्गीको बुहारी नसा शाहीको पत्नी अनिरा शाही ३९. कित्ता नं. ३५-पुनविरको नाती कृष्णविरको छोरा द्वारिका भाई महर्जन, ४०. कित्ता नं. ३८-भिमदासको नाति अकिलाल

खड्गीको छोरा किशोर खड्गी, ४१. कित्ता नं. ३९- चन्द्रकुमारी शाही, ४२. कित्ता नं. ३९-ज्ञानी शाही, ४३. कित्ता नं. ३९- लक्ष्मी शाही, ४४. कित्ता नं. ३९- चन्द्रमाया शाही ४५. कित्ता नं. ३९- कारिका शाही ४६. कित्ता नं. ४०- पुनविरको नाति जगन्नाथको छोरा नरहरि महर्जन, ४७. कित्ता नं. ४१-पुनविरको नाति बुद्धिवहादुरको छोरा यज्ञराम महर्जन ४८. कित्ता नं. ४२-मोहनलाल खड्गीको बुहारी नौजवान खड्गीको पत्नी चनमाया खड्गी, ४९. कित्ता नं. १०८- पुर्ण नारायणको नाति सुन्दर लालको छोरा इन्द्रलाल महर्जन ५०. कित्ता नं. १०९-कुलविरको नाति कुमा महर्जनको छोरा हाकु महर्जन, ५१. कित्ता नं. १०९-कुलविरको नाति कुमा महर्जनको छोरा कान्छा महर्जन, ५२. कित्ता नं. ११०-पुर्णवहादुरको नाति ज्ञानवहादुरको छोरा इन्द्रमान महर्जन, ५३. कित्ता नं. १११- न्हुच्छेत्त शाहीको नाति तुय शाहीको छोरा कृष्णभक्त शाही, ५४. कित्ता नं. ११२-लनवहादुरको नाति दिलवहादुर महर्जनको छोरा पुर्ण महर्जन, ५५. कित्ता नं. ११२-लनवहादुरको नाति दिलवहादुर महर्जनको छोरा श्याम महर्जन, ५६. कित्ता नं. ११२-लनवहादुरको नाती दिलवहादुरको छोरा राजभाइ महर्जन, ५७. कित्ता नं. ११२-लनवहादुरको नाती दिलवहादुरको छोरा बर्मु महर्जन, ५८. कित्ता नं. ११२- लनवहादुरको नाती दिलवहादुरको छोरा दिनेश महर्जन, ५९. कित्ता नं. ११३- भीमवहादुरको छोरा शिवहरी महर्जन, ६०. कित्ता नं. ११३- भीम बहादुरको छोरा रामहरि महर्जन, ६१. कित्ता नं. ११४- हर्कवीर महर्जनको नाति हर्षलाल महर्जनको छोरा हरिनारायण महर्जन ६२. कित्ता नं. ११५- गणेशवहादुरको नाति नाति महर्जनको छोरा गंगाराम महर्जन ६३. कित्ता नं. ११७- कृष्णलाल महर्जनको छोरी श्रीकृष्ण महर्जनकी पत्नी अत्तर महर्जन, ६४. कित्ता नं. ११८, ३२०- रत्नवहादुर महर्जनको नाति बुद्धिवहादुर महर्जनको छोरा हरि महर्जन, ६५. कित्ता नं. ११८, ३२०- रत्नवहादुरको नाति बुद्धिवहादुर महर्जनको छोरा नारयण महर्जन ६६. कित्ता नं. ११८, ३२०- रत्नवहादुरका नाति बुद्धिवहादुर महर्जनको छोरा वासुदेव महर्जन, ६७. कित्ता नं. ११९- सिलाल महर्जनको नाती बुद्धिलाल महर्जनको छोरा श्रीकृष्ण महर्जन ६८. कित्ता नं. १३७- तरिवावु महर्जनकी छोरी कृष्ण वहादुरको नातिनी बुलाल महर्जनको श्रीमती भ्यापु महर्जन, ६९. कित्ता नं. १२०-चन्द्रवहादुर महर्जनको छोरी पूर्ण महर्जनको श्रीमति ज्ञानीमाया महर्जन ७०. कित्ता नं. १२१-लनवहादुर महर्जनको नाति दिलवहादुर महर्जनको छोरा श्याम महर्जन, ७१. कित्ता नं. १२२- नेत्रमानको नाति दुर्गालालको छोरा राजु महर्जन, ७२. कित्ता नं. १२३- ज्ञानवहादुर महर्जनकी छोरी जिन्दा महर्जनको श्रीमति सन्तु कुमारी महर्जन, ७३. कित्ता नं. १२४- धर्मसिंह महर्जनको नाति पुर्णवहादुरको छोरा बुद्धिवहादुर महर्जन, ७४. कित्ता नं. १२५- पुर्णवहादुरको नाति कुलवहादुरको छोरा नारायणभक्त महर्जन ७५. कित्ता नं. १२६- बुलाल महर्जनको नाति जोगलाल महर्जनको छोरा ज्ञानवहादुर महर्जन ७६. कित्ता नं. १२७- कुजविरको नाति हिरवहादुरको छोरा हिरालाल महर्जन, ७७. कित्ता नं. १२९, १३०- लोकवहादुरको नाति तिर्थवहादुर महर्जनको छोरा प्रशान्त कुमार महर्जन ७८. कित्ता नं. १३१- जगतवहादुरको नाति चन्द्रवहादुरको छोरा प्रभुराम महर्जन ७९. कित्ता नं. १३२, १३५- कीर्तिमान सिंहको नाति चिरिबावु महर्जनको छोरा कृष्णभक्त महर्जन, ८०. कित्ता नं. १३४- कीर्तिमान महर्जनको नाति जितमान सिंहको छोरा जितवहादुर महर्जन ८१. कित्ता नं. १३६-धनचाको छोरी जितवहादुर महर्जनको श्रीमती धनमाया महर्जन ८२. कित्ता नं. १३८- कृष्णवहादुर महर्जनको नाति भाई महर्जनको छोरा अर्जुन महर्जन ८३. कित्ता नं. १३८- कृष्णवहादुर महर्जनको नाति कुमार महर्जनको छोरा सुरेश महर्जन, ८४. कित्ता नं. १३९- श्रीमान महर्जनको नाति माईला महर्जनको छोरा रामचन्द्र महर्जन, ८५. कित्ता नं. १३९- श्रीमान महर्जनको नाति माईला महर्जनको

छोरा हरिचन्द्र महर्जन, ८६. कित्ता नं. १४२-जितलाल खड्गीको छोरी जगतवहादुर खड्गीकी श्रीमती कान्छी खड्गी, ८७. कित्ता नं. १४३-मोहन जंगको छोरी बैकुण्ठ श्रेष्ठको श्रीमती विष्णु श्रेष्ठ, ८८. कित्ता नं. १४४- श्रीभाईराम महर्जनकी छोरी राजाराम महर्जनकी श्रीमती निर्मला महर्जन, ८९. कित्ता नं. १४५-हर्खलालकी छोरी बुलालकी बुहारी बमवहादुर महर्जनकी श्रीमती लक्ष्मीमाया महर्जन ९०. कित्ता नं. १४६- रामवहादुरको नातिनी बुहारी पुनवहादुर महर्जनको छोरी मयजु महर्जन, ९१. कित्ता नं. १४७- नन्दवहादुरकी बुहारी नविन महर्जनकी श्रीमती धनमाया महर्जन, ९२. कित्ता नं. १४९-लाल महर्जनको नाती हारा महर्जनको छोरा वसलाल महर्जन, ९३. कित्ता नं. १५०, १५१( लनसिंह महर्जनको छोरी ठाईलाकी बुहारी श्रीकृष्ण महर्जनको श्रीमती मोति महर्जन ९४. कित्ता नं. १५२-श्री तिल महर्जनको छोरा दुर्गामान महर्जन ९५. कित्ता नं. १५२-लाल महर्जनको नाति विष्णु महर्जनका छोरा हिरावहादुर महर्जन ९६. कित्ता नं. १५२-लाल महर्जनको नाति विष्णु महर्जनको छोरा दिलवहादुर महर्जन, ९७. कित्ता नं. १५३, १५५- लतमानको नाति कान्छा महर्जनको छोरा कान्छा बाबु महर्जन ९८. कित्ता नं. १५६- हाकुकी श्रीमती श्रीमती लैचा महर्जन, ९९. कित्ता नं. १५७-पुर्णवहादुर महर्जनको नाती वासुदेव महर्जनको छोरा गंगावहादुर महर्जन, १००. कित्ता नं. १५७-पुर्णवहादुर महर्जनको नाति वासुदेव महर्जनको छोरा राजकुमार महर्जन, १०१. कित्ता नं. १५८- पुर्णवहादुर महर्जनको नाति वासुदेव महर्जनको छोरा नन्दकुमार महर्जन, १०२. कित्ता नं. १५९- ज्ञानकृष्ण महर्जनको छोरी सिताराम महर्जनकी श्रीमती मिरिनादेवी महर्जन, १०३. कित्ता नं. ११६०, १६२-सुर्जमानको नाति साहिला महर्जनको छोरा राजभाई महर्जन, १०४. कित्ता नं. १६३- बेखालालको नाति आशालालको छोरा समिर महर्जन, १०५. कित्ता नं. १६४-नरवहादुर डंगोलको नाति लोक वहादुर महर्जनको छोरा शंकर डंगोल १०६. कित्ता नं. २५६- जितवहादुर महर्जनको नाति शेरवहादुर महर्जनको छोरा लालवहादुर महर्जन १०७. कित्ता नं. २५७-कृष्णवहादुर को नातीनी बुलालको छोरी हरिशरण महर्जनको श्रीमती छोरी महर्जन १०८. कित्ता नं. २७६-जुजुभाई कि बुहारी सुमनकी श्रीमती रमिता महर्जन १०९. कित्ता नं. २७७- जुजुभाई महर्जनको बुहारी राजु महर्जनको श्रीमती रेखा महर्जन, ११०. कित्ता नं. ३०८-जुद्धवीर महर्जनको नाति शैचा महर्जनको छोरा गंगावहादुर महर्जन, १११. कित्ता नं. ३०९- पुर्णवहादुर महर्जनको नाति वासुदेव महर्जनको छोरा राजकुमार महर्जन, ११२. कित्ता नं. ३१०- पुर्णवहादुर महर्जनको नाति वासुदेव महर्जनको छोरा नन्दकुमार महर्जन, ११३. कित्ता नं. ३२४-लक्ष्मी दासको नाति बखतमानको छोरा गणेश मान महर्जन, ११४. कित्ता नं. ३२५- बखतमान महर्जनको नाति गोपिलाल महर्जनको छोरा दिपक राज महर्जन,

मुद्दाको शिर्षक : दुषित निर्णय दर्ता बदर फिराद पत्रमा भनिएको छ-२०२२ सालमा भएको पहिलो नापी हुँदाका बखत काठमाडौं जिल्ला पांगा बालकुमारी वडा नं.१ ख को कि.नं.९५ को क्षेत्रफल १०-३-० कायम भई नाप नक्शा भएको जग्गा नापीमा उपस्थित भई लेखाई देखाई गर्न नसक्दा गाउँ भनी उल्लेख भई नापी भएको हो । हाल उक्त कि.नं.९५ को कीर्तिपुर न.पा. वडा नं ११ सिट न. १०२-१२२२-११मा नापी भई कि.नं. १ देखि ४३ सम्मका कित्ताहरु, सिट.नं. १०२-१२२२-१५ मा कित्ता नं.१०८ देखि १५६ सम्मका, सिट नं. १०२-१२२१-१५मा कित्ता नं.१५७, १५८, १५९, १६०, १६२, १६३, १६४, २७६, २७७, ३०८, ३०९, ३१०, ३२४, ३२५ नापी भई कित्ता कायम भैसकेको छ ।

साक्षी : देखि जान्ने क) दैलेख जिल्ला तिलेपटा गा.वि.स. वडा नं.५ बस्ने वर्ष ३६ को कलम वहादुर शाही, ख) का.जि. जोरपाटी वडा नं.४ बस्ने वर्ष ४० को सानु घिमिरे ग) का.जि. का.म.न.पा. वडा नं.१९ गणेशस्थान बस्ने वर्ष १९ की मन्जु खड्गी

नेवा: स: नेवा: एफ. एम. १०६.६

नेवा: स: नेवा: एफ. एम. १०६.६



newafm.com.np

आ: न्हिच्छि चच्छि विश्वया न्ह्यागु कुनय् च्वना नं न्यनादीफइ । नेवा: एफ. एम. न्यनादिसँ

नेवा: जुयाया गौरव यानादिसँ

नेवा: एफ. एम. १०६.६

न्यामासिमा, द्य:ध्वाखा, किपू-२

फोन ४३३४२२२

ईमेल: ankmedia.newafm@gmail.com

## साहित्य बाखं- भाडा नाय:- निगू ब्व

स्व.नाती महर्जन  
द्य:चपा, पाँगा

नाती दाइ छम्ह चिनाखँ च्वमिया रुपय सकसिनं म्हस्यू । वयक: छम्ह बाखँच्वमि नं ख: धइगु म्हसिइकेगु निति थ्व त:हाक: बाखं निगू ब्वय पियनां च्वना । सम्पादक ।

हाकुचिया बाज्यां बोसिनोल छपुया बुँ नीपी २० रोपनी बुँ ज्याना त:गु जुयाच्वन । बोसिनोलया बुँ ज्यानात:पिं जुया दँय दँय भारा वनेमा: । बोसिनोल धायथेंहे व्यनोल, दकर्मि नोल, धासैनोल, नायागु बुँ ज्यानार्चपिं नं दु, अयसां इमि बोसिनोल, व्यनोलपिनियें थाकुक् तापले वना थाकुक् ज्या या: वनेम्वा: । स्वनिगल्य हे च्वना ज्या याये दु । दकर्मि नोला बुँ ज्यानात:पिं जुजुया दरबारय मर्मत संभार व देग: फल्चा मर्मत यायगु ज्या या:सागा:, धासैनोलया बुँ ज्यानार्चपिं जुजुया लहिनात:पिं सल, किसीयात नकेत धाय् तयनेगु ज्या या:सा गा । भाडा वनीपिनियें थाकु मजू । सरकार बुँ ज्याका तयागु नामं जनतायात तसकं शोषण याना

तल, जनता खयका तल । जनतायात थ्व अन्याय अत्याचार याना त:गु ख: । बुँ ज्याका तलधयाँ छु याये ज्याजक यायगुला ख:नि, बुँ वइगु वा दक्व उखे पु, थुखे पु याना हे फुनावनी । सरकारयात त:सिं पु, कौयात ज्याभ: पायन तयकेत पु, नौयात सँ खाकेगु, लुसि ध्यनेगु, सुचिकारयात लँ सुइकेत पुलेबलय् बुँ वइगु वा छग: नं ल्यनी मखु । वहे छव निग:चा दैगुलिं धेर गोरचा नया: दँ कतय् यायमा छु दु धका: दु:ख सियागु मू । कूछि भव्य प्यन्हू न्ह्यो हाकुचित मंमदु मंमदु चितौनया जंगलय् खते याना छवल । बजि निफा स्वफा गुन्हु छप्व: ज्वना भाडा वनेगु धका: थक्वा: पाखे स्वया पासापिलिसें वन । भाडा वनेगु ज्या तसकं थाकु ज्या धैगु थाकु मजगु छु नं दैमखु अथेसां भाडा वनेगु ज्या धैगु मेगु ज्या सिबय् यक्व हे थाकु ज्यान पाना जुईमा । स्वनिगलं निसें तराईया जंगलय् थ्यंक न्यासि वने, वय मा: । जंगलय् याक:चा याक:चा वना सिमा कोथ: वनेमा, तिम्मा सतरि दयका: कुबिया थ:पिं च्वनेथाय् बलय् (छाप्रे) तयहयेमा: । दरबार दयकेत सिं

गात धालकि दक्व सिं अननिसे यें काठ गोडामय् थ्यंक ल्हयया हयमा: । निम्ह मनु नापं जुइ मज्यूगु पहाडया लँ, तत:हाक:गु सतरि फिमि भिमिन्ह मनु जाना कुबुया काठ गोडामय् तय हयमा: । इलय् थासय् थ्येंके महई धका: आठपहरि ल्यू ल्यू छवया हइ । त्यानुल धका: भचा भास लंके हे बिइगु मखु चाँडे हिंड धका: आठपहरितसें त्वाँनालय् कथिं दा:वइगु । विई जिक्व हे दु:ख बिइगु, छुयाय् फसां मफुसां इमिसं धा:गु खँ न्यनेहे माल । हाकुचा न्हापानं निक: स्वक: भाडा वय् धुकूह वयात ज्या यायगुलिला अपायसकं ग्या:थें मच्वं । अयसां थुगुसी न्हून्हूपिं ल्याय्महतय सरह ज्यायाय् भचा थाकु चाल । व भचा उमेर नं जाय् धुकूह न्हापा ल्याय्महबलय् थें व:लाइगुला खँ हे मदु । बाछि स्ववा: तकला बाँलाक हे ज्या यात । लिपा जुया वलिसे ज्यायाय् भचा थाकुगु थें जुयावल । हाकुचा थ:त भचा कमजोर जूगु तायकल । व:लापिं ल्याय्महतय नाप ज्यायाये वयात थाकुल । वयात न्ह्याबलें त्यानुगु थें म्हस्या:गु तुति स्या:थें च्वना वल । नयेत्वनेगु गतिला:गु दुगु

मखु । वहे उसिना जाकिया जा न तरकारि न अचार, मल्ता छग:हे पासापिन्सं लाका नई धका: मखंक सुचुका नयमा: । अजा:गु खाना नया: गन व:लाई ? जिवं मफुसा भाई सर ह ज्यायाय् मा:गुलिं हाकुचा ज्वर वयकल । ज्याय् वने त्य:कातक हाकुचा दना मव:गुलिं पासाम्हा हाकुचित स्व:वन, हाकुचाला फाँगां त्वपुया द्य:व:म्ह थें खानाच्वन । पासाम्हा हाकु दाई ज्वर वयका च्वन धका बोसि नाय: स:ताहल । नाय: नं हाकुचिया स्वा: स्वया थ्वयात औलिं कल, आ थ्व थन ज्यायाय् फइमखुत, थ्वयात छैय् वना यंकी वास: याय् यंकी धाल । थौं हे वनां यंकी वयात छैय्, छैय् वना बाँल:म्ह वैद्य क्यना वास: याकि का लिबाका च्वनेमते हँ छिमि निम्ह । लँय् ववं वयात थाकुया वल धा:सा भरिया तया कुबुइका यंकी ना थ्व भितका दाँ धका: भितका दाँ लँ खर्च बिद्या बोसि नाय ज्याय् वन । हाकुचित भरियां दोकय् तया: कुबुया छै तयहल सनेहे मफुम्ह भातयात डोकय् तया कुबुया छै छय् ह:गु खँबलय् हाकुचिया कला हू हू ख्वल । छु जुल छन्त हे भगवान धका: घयपना ख्वल । हाकुचिया कला ख्व:गु स: तया खोना तमा छाय् ख्वयागु भम्चा

छु जुल धका: मातनय् थाहाँवल । स्वरे त:मां व भाडा वंम्ह छु जुइका व:गु दने हे मफु, ल्हा तुति छक स्वरे धका: हाकुचिया लिक्क यन । हाकुचिया मिखा दुहाँवंगु कपा न्ह्या:व:गु स्वा: खनेवं हे खोना तमानं थ्वयात औलि कल धाल । कलाम्हेसित याकनं सानुचा वैद्य स:ता हया: क्यनेहिं धाल । फछिंफक्क याकनं वास: यायेमा, थ्व औलालि ल्वय् धैगु ग्यानापुगु ल्वय् । हँ याकनं सानुचा वैद्य स:ताहिं, जिं थन स्वम्ह अजिमापिनि नामं जाकि भागयाका तय, कन्हैकँस छलाईबले स्वम्ह अजिमायाथाय् कल: वनाब्यू । अथें वलाना वनि धन्दा कायम्बा: धका: भ्याफलय् च्वंगु हुखा कया वजां त्वन । हाकुचिया कला ब्याय् ब्याय् वैद्य सत: वन । सानुचा वैद्य वल । फुफा याना भाडे याना वास: नकेगु बिद्या च्यान्हु दईबलय् वलाना वनि धयावन । खोना त:मां नं भागि याका त:गु जाकि तया: स्वम्ह अजिमायाथाय् नं कल: वना बिल । अयसां हाकुचिया ल्वय् वलाना मखु भन भन गसिजुया वन, ल्हा:तुति कथियें, भंग: छग: जक धिमेथें फुलय् जुयाच्वन । सुनां छु या:सा ल्वय् वलाई धाल अथेहे यानाच्वन । गुलि द्य: पुजा यानाबिल, गुलि बौ तयाजुल ।

म्हस्यू स्यूपिं वैद्य क्यने हल उल्लि नकल, औलि क:गु धका: खालु त्वंकल, सिकं थियात:गुलिं गसि जुयावंगु धका: दिपय् जायाम्हा मनु ज्याना बौतय् यन । ल्वय्धा:सा वलाना:गु हे मखु, हाकुचिया कलाया नित्वलाया सुराई व नित्वलाया लुंया टुकि मिया: वास: याये धुंकल । अभनं ल्वय् वलाना:गु मखु । हाकुचा म्वाई धैगु स्वयां हे आशा मन्त । आखिरे याना यानागु वास:लं मथिया: हाकुचां फागु पुन्हि खुन्हु थ:गु प्राण त्वता: थ्व संसारं विदा कया:वन । राणा शासनया पालय् हाकुचाथें ज्या:पिं सलंस: मनूत भाडा वना सिइपिं दु । गुलि सिमा क्वथ:बलय् सिमां ल्हाना: सिइपिं, गुलि सिंगलं ल्हाना सिइपिं, गुलि सतरि कुबिया स्वनिगलय् त:व:बलय् पहाडं कृतं वना सिइपिं, गुलि हाकुचाथें औलि कया: सिइपिं । थुलि सित उलि सित धैगु ल्याचा: हे मदु । गरिव सित ध्वं सिइगुला, खिचा सिइगुला स्वयात मतलब मदु । इमित ला ज्या मा:गु दु, ज्या याय् फतले काल, सितं छैय् परिवारयात घ:सु यायुत हे धेवा छग: मव्यसे खयका छवत । वहे खयका छव:पिनि आत्मां श्राप ब्यूगु ग्यला: आखिरे राणा शासनया पतन जुयावन । नाप नाप भाडा वनेगु ज्या नं वंद जुयावन । (क्वचाल)

## बिचा: हायेका

बुदिं :  
ने.सं.१०६४  
वैशाख



मदुम्ह नाती महर्जन

मदुगु :  
ने.सं.१०३८  
पोहेलागा दशमी



ज्वजलपा वा:पौ व कीर्तिपुर सन्देश साप्ताहिकया स्तम्भकार बहुप्रतिभाशाली कवि नाती महर्जन वंगु पुस २७ गते ७४ न्हय्प्यदँय आकाभाकां मदुगुलिं मदुम्हेसिया आत्मा चिरशान्ति जुया: सुखावति भुवनय् वास लाय्मा धका: कामनायासें दु:खंक:पिं सकल छँज:पिन्सं मन चिइफय्मा धका: बिचा: हाय्का च्वना ।

ज्वजलपा वा:पौ परिवार

कीर्तिपुर सन्देश साप्ताहिक परिवार

निखासी टोल, नयाँबजा, किपू-१०

## बिचा: हायेका

बुदिं  
ने.सं.१०६४  
वैशाख



मदुम्ह नाती महर्जन

मदुगु :  
ने.सं.१०३८  
पोहेलागा दशमी




ज्यापु महागुथि किपू नगरसमितिया जन्मकाछि, ज: व कविट साहित्यकार नाती महर्जन द्य:चपा पाँगा वंगु पुस २७ गते बसुवा: ७४ न्हय्प्यदँय आकाभाकां मदुगुलिं मदुम्हेसिया आत्मा चिरशान्ति जुया: सुखावति भुवनय् वास लाय्मा धका: कामनायासें दु:खंक:पिं सकल छँज:पिन्सं मन चिइफय्मा धका: बिचा: हाय्का च्वना ।

ज्यापु महागुथि किपु नगरसमिति



# श्रद्धाया स्वां देछना



बुदिं :  
ने.सं.१०६४  
वैशाख वि.सं.  
२०००



स्व. नाती महर्जन

मदुगु दिं :  
ने.सं.१०३८  
पोहेलागा  
दशमी



जिमित अतिकं मतिना यानादीम्ह जिमि अबु/अजा **नाती महर्जन**  
द्यःचपा, पाँगा वंगु पुस २७ गते बसुवा: ७४ दँय् आकाभाकां मत्यवं  
मदुगुलिं अबुया आत्मा चिर शान्ति जुया: सुखावति भुवनय् बास  
लाय्मा धका: कामना यासैं श्रद्धाया स्वां देछना च्वना ।

## श्रद्धाया स्वां देछा:पिं

मृत्याय्/जिलाजं : शोभा महर्जन/  
रामभोला महर्जन

छय्/ भौ : आशिष बाबु महर्जन /  
अश्विनी महर्जन

छुई : आर्या महर्जन

छय् : सलिना महर्जन

मृत्याय्/जिलाजं :- विना महर्जन/  
दीपक महर्जन

छय् :- सालिन महर्जन